

Transkription von Urkunde ZET 1356a

Ort, Datierung: Zerbst, 1356-02-01

Signatur: Stadtarchiv Zerbst, IA, 19

Inhalt: Rat der Stadt Zerbst: Jurisdiktion

Wy Ratmanne schepe(n) . Jnnýngmeiste(re) vnd(e) die gantze ghemeýnheit d(er) stat tũ Cerwist / arm
vnd(e) Rike . beken(n)e(n) vnd(e) betũghe(n) openlik in dissim briue dat die hochgeborne(n) forste(n)
Albr(echt) [vnde] Wold(emar) / vnse gnedige(n) herre . vnd(e) wie mit on ghededing(e)t hebbe mit
gũde wille . mit gantzer / fũlbort vnd(e) eýndracht . dat wie noch vnse nakomelinge . die na vns
kome(n) ewichlike(n) vnd(e) / y(m)mer mer ny(m)mer keyne Ratmanne kýsen scolē . noch en willen
. wie dũn dat mit vns(er) / vorgeante(n) herre(n) oder orer erue(n) fulbort vnd(e) gantze(n) wille(n) .
vnd(e) die Ratmanne die / ghe kore(n) werden . die scole(n) vnse vorgeante(n) h(er)ren . oder ore
erue(n) stede ghen . eer sie vpp / dat rathũs gan . vnd(e) die Ratmanne scolē swere(n) . dat yar
ratmane tũ wesene / vnd(e) vnser vorgeante(n) gnedig(en) h(er)ren vnd(e) orer erue(n) . ere . vnd(e)
beste tũ weruene . / vnd(e) der stat dat beste tũ radene . vnd(e) des nicht laten wille(n) noch en
scole(n) . dorch / lieff od(er) dorch leit . vnd(e) dorch keynerhande niýde Ok hebbe(n) wie ghe dedingt
mit vnser vorgeante(n) gnedige(n) herre(n) . dat wie noch vnse nakomelinge . vnder vns keyn
ghe/sette scolē noch en willen setten . wie dũn dat mit vnser vorgeante herre(n) vnd(e) orer /
erue(n) fulbort vnd(e) gantze(n) wille . Ok hebbe wie ghededingt . dat wie ouer vn(s)er / herr(e)n man .
oder ghesinde keyn gerichte scolē hebben . wes vns tũ on not is dat scole / wie vorwýnne(n) vor vnser
vorgeante(n) herr(e)n od(er) vor ore(n) erue(n) . Were awýr . dat unser her/ren man oder ore
ghesinde enných vngherichte deden in d(er) stat . dat scole wie vorwýnne(n) / vor vnser herre(n) vogit
vnd(e) vor dem schultete(n) . Ok scole wie vnd(e) wille(n) d(er) straten in d(er) / stat tũ Cerwist die
vnser herre(n) vrie sien . mit nichte beku(m)me(r)n mit ennýghe(n) dinge(n) / wie dũn dat mit vnser
vorgena(n)te(n) h(er)ren . od(er) orer erue(n) fulbord vnd(e) wille(n) . od(er) mit / orer a(m)mechtlude
die ore macht dar ane hebbe(n) . Ok scole vnse vorgena(n)ten h(er)ren oder / ore erue(n) . vnse
gnedighen herre(n) sien vnd(e) wie vnd(e) vnse nakomelinge wille(n) vnd(e) sco/len bliue(n) vnd(e)
sien . vnser vorgena(n)te(n) h(er)re(n) vnd(e) orer eruen t(ru)we borghe(re) . ane allerleige / gheuerde .
Disse ding(e) loue wy stede und(e) gantz tũ haldene . ane allerleige arghelist / Tũ Orkunde hebbe wie
dissin brieff gheue(n) na gats gebort drittein hũndirt / iar . Jn dem ses vnd(e) veftigisten iare . Jn dem
auende vnser liue(n) vrouwe(n) lichtmesse / vorsegilt mýt vnser stat Jngesegile